



PRIJEDLOG

Na osnovu člana 18. stav 1. tačka 1. 1) Ustava Kantona Sarajevo („Službene novine Kantona Sarajevo“ br. 1/96, 2/96, 3/96, 16/97, 14/00, 4/01 i 28/04) i člana 117 i člana 112. stav 1. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst broj: 41/12), Skupština Kantona Sarajevo na sjednici održanoj dana 11.02. 2013.godine, donijela je:

ODLUKU O IZMJENAMA I DOPUNAMA POSLOVNIKA SKUPŠTINE KANTONA SARAJEVO

Član 1.

U Poslovniku Skupštine Kantona Sarajevo („Službene novine Kantona Sarajevo – Drugi novi prečišćeni tekst, broj: 41/12) član 9. mijenja se i glasi:

„Nakon davanja i potpisivanja svečane izjave u Skupštini se osnivaju četiri kluba poslanika / zastupnika konstitutivnih naroda i Ostalih (u daljem tekstu klubovi naroda i Ostalih).

Klubovi naroda i ostalih su:

- Klub Bošnjaka;
- Klub Hrvata;
- Klub Srba i
- Klub Ostalih.

Ako u Skupštini nema izabranih predstavnika nekog od konstitutivnih naroda ili Ostalih, klub tog naroda neće biti osnovan.

Svaki klub naroda i Ostalih bira predsjednika, a može izabrati i zamjenika predsjednika, koji rukovode klubom i usklađuju njegov rad.

Poslovnikom o radu klubova naroda i Ostalih svaki će klub urediti način svoga rada.

Član 2.

U članu 10. u stavu 1. iza riječi „Svaki klub naroda“ dodaju se riječi „i Ostalih“.

U stavu 3. umjesto riječi: „tri“ treba da stoji riječ: „četiri“.

U stavu 4. u drugom redu iza riječi „konstitutivnih naroda“ dodaju se riječi „ili Ostalih“.



web: <http://skupstina.ks.gov.ba>
e-mail: sks@ks.gov.ba

Tel: + 387 (0) 33 562-055

Fax: + 387 (0) 33 562-210

Sarajevo, Reisa Džemaludina Čauševića 1



Član 3.

Iza člana 10. dodaje se član 10 a. koji glasi:

„Ako klubovi naroda i Ostalih prilikom predlaganja kandidata za predsjedavajućeg ili zamjenika predsjedavajućeg Skupštine ne mogu predložiti kandidata zbog istog broja glasova, izbor će se izvršiti žrijebanjem, i to između kandidata koji imaju isti broj glasova“.

Član 4.

Član 22. Poslovnika mijenja se i glasi:

„Finansiranje političkih stranaka i parlamentarnih grupa zastupnika / poslanika vrši se u skladu sa Zakonom o finansiranju političkih partija u okviru sredstava predviđenih Budžetom.

Ukupna sredstva iz stava 1. ovog člana ne mogu prelaziti iznos od 0,2% Budžeta Kantona Sarajevo u kalendarskoj godini.

Političkim strankama, odnosno koalicijama političkih stranaka sredstva iz stava 1. ovog člana raspodjeljuju se na način da se:

- a) 30% sredstava dijeli jednakim svim političkim strankama, odnosno koalicijama političkih stranaka koje su osvojile mandate,
- b) 60% sredstava dijeli prema broju poslaničkih mandata, koje svaka politička stranaka, koalicija političkih stranaka odnosno nezavisni kandidat ima u trenutku dodjele mandata,
- c) 10% od ukupnog iznosa raspoređuje parlamentarnim grupama srazmerno broju zastupnika / poslanika koji pripadaju manje zastupljenom spolu.

Parlamentarnu grupu čine namjanje dva zastupnika / poslanika.

Parlamentarnu grupu formiraju samostalni i nezavisni zastupnici / poslanici.

Parlamentarne grupe, odnosno klubovi zastupnika / poslanika i nezavisni kandidati učestvuju u raspodjeli sredstava iz stava 3. tačka b) ovog člana prema broju zastupničkih / poslaničkih mandata.

Komisija za izbor i imenovanje i administrativna pitanja Skupštine Kantona Sarajevo će svojim aktima detaljnije regulisati raspodjelu sredstava iz ovog člana, kontrolu trošenju i druga finansijska pitanja.

Parlamentarne grupe raspolažu sredstvima u skladu sa dinamikom i visinom finansiranja ovih sredstava iz Budžeta Kantona Sarajevo, a u cilju stvaranja povoljnih uslova za svoj rad.

Parlamentarne grupe samostalno odlučuju o načinu raspolaganja i korištenja sredstava i dužni su da podnesu godišnji izvještaj o utrošku i namjeni sredstava Komisiji za izbor i imenovanje i administrativna pitanja Skupštine Kantona Sarajevo.

Nalogodavac za upotrebu sredstava parlamentarne grupe je predsjednik parlamentarne grupe ili druga osoba koju predsjednik ovlasti.

Sredstva iz ovog člana isplaćuju se na račun u jednakim mjesecnim obrocima“.



Član 5.

U članu 80. stav 1. iza riječi „klubovi naroda“ dodaju se riječi „ili Kluba Ostalih“. U istom članu u stavu 2. iza riječi „kluba naroda“ dodaju se riječi „ili Kluba Ostalih“

Član 6.

U članu 184. u stavu 2. iza riječi „klubova naroda“ dodaju se riječi „Klub Ostalih“.

Član 7.

Ove izmjene i dopune Poslovnika stupaju na snagu danom donošenja a objavit će se u „Službenim novinama Kantona Sarajevo“.

Broj:
Sarajevo,

PREDSJEDAVAJUĆA
SKUPŠTINE KANTONA Sarajevo

Prof. dr Mirjana Malić

O B R A Z L O Ž E N J E:

Razlog za izmjenu Poslovnika je usvajanje Amandmana XLIII – XLIX na Ustav Kantona Sarajevo, kao i donošenje Zakona o finansiranju političkih stranaka.

Amandmanina na Ustav Kantona Sarajevo izvršeno je usklađivanje Ustava sa Europskom konvencijom o zaštiti ljudskih prava i osnovnih sloboda, Konvencijom o zaštiti prava nacionalnih manjina i drugim međunarodnim pravnim dokumentima kojima se štite ljudska prava i slobode, a radi zaštite vitalnog interesa nacionalnih manjina, kao i kolektivnih prava poslanika / zastupnika koji se ne izjašnjavaju kao konstitutivni narod.

Odlukom o izmjenama i dopunama Poslovnika Skupštine Kantona Sarajevo i to članovima 1, 2, i 3 implementiraju se amandmani na Ustav Kantona Sarajevo.

Članom 4. Odluke o izmjenama i dopunama Poslovnika implementira se Zakon o finansiranju političkih stranaka („Službeni glasnik BiH“ broj: 95/12 od 27.11.2012.godine).



web: <http://skupstina.ks.gov.ba>
e-mail: sks@ks.gov.ba

Tel: + 387 (0) 33 562-055

Fax: + 387 (0) 33 562-210

Sarajevo, Reisa Džemaludina Čauševića 1

